

誦詩隨筆卷二

遼陽 袁金鎧 撰

鹿鳴之什

小雅一

鹿鳴人之好我。示我周行。天下惟以大道告我者。乃真好我。昧昧者不知。則以爲煦不起。嗚呼。日以恭維之辭聒於耳。是齊臣何足與言仁義之故智。此乃真所謂煦不起。然聖王則冀幸於示我者之慇懃。而常人則於示我者。輒推而遠之。漢廷一汲長孺。尙不能容。漢武所以與秦皇並稱。而遜於堯舜禹湯之若霄壤也。四牡以勞使臣之來。而教忠必本於教孝。故以不遑將父。不遑將母。代達其情。不俟其自言也。皇皇者華。以遣使臣之往。而代寫其每懷靡及之意。諏謀度詢。必咨於周。古之所

望於使臣者如此。其使臣所以自處。亦應如此。惡有龐然自大。惟其言而莫予違之惡習哉。宋太祖謂宰相須用讀書人。使者讀皇華而昧其義。仍謂之不讀書。若並不知有皇華之詩。其謂之何。常棣兄弟天屬。與以人合者。關係不同。而用夷變夏者。則倡爲各不相關之議。此自棄於聖賢禮教者也。已不以人自待矣。伐木讌飲。所以聯感情。此非所謂無意識之應酬。天保民之質矣。日用飲食。若擾之而使不安其生。則民怨。民怨則天怒。都成此詩之反比例矣。采薇。范氏謂以人道使人。斯言盡之。昔我往矣。楊柳依依。今我來思。雨雪霏霏。四語寫情寫景。栩栩欲活。其用依依二字。陶詩翼彼新苗之翼字。卽此類用字之意也。出車。昔我往矣。四語。由采薇昔我往矣。四語脫胎。嘒嘒草蟲六語。則直借用召南

草蟲首章數語矣。秋杜首章末三句都用止字。第二章第四章亦然。此與鄭風叔于田第二三章末四句用忌字聲調相同。南陔。

鹿鳴

呦呦鹿鳴。食野之苹。我有嘉賓。鼓瑟吹笙。吹笙鼓簧。承筐是將。人之好我。示我周行。呦呦鹿鳴。食野之蒿。我有嘉賓。德音孔昭。視民不忒。君子是則。是傲。我有旨酒。嘉賓式燕以敖。呦呦鹿鳴。食野之芩。我有嘉賓。鼓瑟鼓琴。鼓瑟鼓琴。和樂且湛。我有旨酒。以燕樂嘉賓之心。

治天下不可以外行爲之。某帥於意所不快時。敢將程度甚高者。面罵之。且出極粗穢語。視此豈止天淵之隔。真大大外行。惡能保其終耶。

四牡

四牡騤騤。周道倭遲。豈不懷歸。王事靡盬。我心傷悲。四牡騤騤。嘽嘽駉馬。豈不懷歸。王事靡盬。不遑啟處。翩翩者騅。載飛載下。集于苞栩。王事靡盬。不遑將父。翩翩者騅。載飛載止。集于苞杞。王事靡盬。不遑將母。駕彼四駉。載驟駸駸。豈不懷歸。是用作歌。將母來諗。

如其心理。代爲宣布。感人之深如此。

皇皇者華

皇皇者華。于彼原隰。駉駉征夫。每懷靡及。我馬維駒。六轡如濡。載馳載驅。周爰咨諏。我馬維駒。六轡如絲。載馳載驅。周爰咨謀。我馬維駉。六轡沃若。載馳載驅。周爰咨度。我馬維駒。六轡既均。載馳載驅。周爰咨詢。

代爲設想。用意甚深。措詞甚婉。

咨諏善道。爲使臣應盡之職務。此古今不易之理也。

常棣

常棣之華。鄂不韡韡。凡今之人。莫如兄弟。死喪之威。兄弟孔懷。原隰裒矣。兄弟求矣。脊令在原。兄弟急難。每有良朋。況也永歎。兄弟鬩于牆。外禦其務。每有良朋。烝也無戎。喪亂既平。旣安且寧。雖有兄弟。不如友生。攸爾籩豆。飲酒之飫。兄弟旣具。和樂且孺。妻子好合。如鼓瑟琴。兄弟旣翕。和樂且湛。宜爾室家。樂爾妻帑。是究是圖。宣其然乎。

朋友以人合者也。兄弟則屬於天矣。天則固結而莫解。越到急難時。越見真性情。彼謂雖有兄弟。不如友生。誠喪心病狂之語也。

伐木

伐木丁丁。鳥鳴嚶嚶。出自幽谷。遷于喬木。嚶其鳴矣。求其友聲。相彼鳥矣。猶求友聲。矧伊人矣。不求友生。神之聽之。終和且平。伐木許許。釃酒有藇。既有肥羜。以速諸父。寧適不來。微我弗顧。於粲洒埽。陳饋八簋。既有肥牡。以速諸舅。寧適不來。微我有咎。伐木于阪。釃酒有衍。籩豆有踐。兄弟無遠。民之失德。乾餱以愆。有酒湑我。無酒酤我。坎坎鼓我。蹲蹲舞我。迨我暇矣。飲此湑矣。

讌飲所以聯歡。古今中外。所不能廢。至形諸樂歌。則愈見文明矣。

天保

天保定爾。亦孔之固。俾爾單厚。何福不除。俾爾多益。以莫不庶。天保定爾。俾爾戩穀。罄無不宜。受天百祿。降爾遐福。維日不足。天保定爾。以莫不興。

如山如阜。如岡如陵。如川之方至。以莫不增。吉蠲爲饗。是用孝享。禴祠烝嘗。于公先王。君曰卜爾。萬壽無疆。神之弔矣。詒爾多福。民之質矣。日用飲食。羣黎百姓。徧爲爾德。如月之恆。如日之升。如南山之壽。不騫不崩。如松柏之茂。無不爾或承。

此九如之詩。極歌詠之致。而說到民之質矣。日用飲食。羣黎百姓。徧爲爾德。則愈平易。愈精微。非絕大學問人。不能爲此等語。

采薇

采薇采薇。薇亦作止。曰歸曰歸。歲亦莫止。靡室靡家。玁狁之故。不遑起居。玁狁之故。采薇采薇。薇亦柔止。曰歸曰歸。心亦憂止。憂心烈烈。載飢載渴。我戍未定。靡使歸聘。采薇采薇。薇亦剛止。曰歸曰歸。歲亦陽止。王事靡盬。

不遑啟處。憂心孔疚。我行不來。彼爾維何。維常之華。彼路斯何。君子之車。戎車既駕。四牡業業。豈敢定居。一月三捷。駕彼四牡。四牡騤騤。君子所依。小人所腓。四牡翼翼。象弭魚服。豈不日戒。玁狁孔棘。昔我往矣。楊柳依依。今我來思。雨雪霏霏。行道遲遲。載渴載飢。我心傷悲。莫知我哀。

昔我往矣。四句。風韻絕佳。自是好句。無怪昔人稱之。出車之詩。昔我往矣。四句。當是胎息而成。其風韻亦遠不相及。亦如春草碧色。四語。遠勝閨中風煖。陌上草薰也。

出車

我出我車。于彼牧矣。自天子所。謂我來矣。召彼僕夫。謂之載矣。王事多難。維其棘矣。我出我車。于彼郊矣。設此旄矣。建彼旄矣。彼旃旌斯。胡不旆旆。

憂心悄悄。僕夫況瘁。王命南仲。往城于方。出車彭彭。旂旐央央。天子命我。城彼朔方。赫赫南仲。玁狁于襄。昔我往矣。黍稷方華。今我來思。雨雪載塗。王事多難。不遑起居。豈不懷歸。畏此簡書。嘒嘒草蟲。趯趯阜螽。未見君子。憂心忡忡。既見君子。我心則降。赫赫南仲。薄伐西戎。春日遲遲。卉木萋萋。倉庚喈喈。采芣祁祁。執訊獲醜。薄言還歸。赫赫南仲。玁狁于夷。

作此詩者。慣好套調。亦覺可笑。

杕杜

有杕之杜。有皖其實。王事靡盬。繼嗣我日。日月陽止。女心傷止。征夫遑止。有杕之杜。其葉萋萋。王事靡盬。我心傷悲。卉木萋止。女心悲止。征夫歸止。陟彼北山。言采其杞。王事靡盬。憂我父母。檀車幘幘。四牡瘡瘡。征夫不遠。

匪載匪來。憂心孔疚。期逝不至。而多爲恤。卜筮偕止。會言近止。征夫邇止。室家男女之情。人皆有之。故不諱言。而在上者代爲之言。尤爲感人。故惟聖人能盡人情。宇宙本有情之世界。凡不近人情者。皆悖乎王道者也。

南陔

孝子相戒以養也。

白華之什

小雅二

白華、華黍、魚麗。曰旨且多。曰多且旨。曰物其多矣。維其嘉矣。我國燕會。肴品最多。生人厭煩。相習而不能改。亦有自來矣。由庚、南有嘉魚、崇丘、南山有臺。曰德音不已。曰德音是茂。惟其有德。則邦家之基。邦家之光。

也。詩人頌禱。每日萬壽。與今人燕會呼萬歲同意。乃以不朽之義望人。所謂萬年長壽。與天地同不朽也。若呆看。則成爲笑話矣。由儀、蓼蕭、望其德之不爽。望其宜兄宜弟。頌不忘規。豈惟臣於君然。君於臣亦然。湛露曰莫不令德。曰莫不令儀。雖云厭厭夜飲。豈同後世君臣嬉戲荒淫無度之娛樂哉。

白華

孝子之絜白也。

華黍

時和歲豐。宜黍稷也。

魚麗

魚麗于罍。鱸鯨。君子有酒。旨且多。魚麗于罍。魴鱧。君子有酒。多且旨。魚麗于罍。鰋鯉。君子有酒。旨且有。物其多矣。維其嘉矣。物其旨矣。維其偕矣。物其有矣。維其時矣。

中國宴會。酒肴總患其多。讀此詩。知有由來矣。

末六句若作爲一章。氣味較厚。

由庚

萬物得由其道也。

南有嘉魚

南有嘉魚。烝然罩罩。君子有酒。嘉賓式燕以樂。南有嘉魚。烝然汕汕。君子有酒。嘉賓式燕以衍。南有樛木。甘瓠纍之。君子有酒。嘉賓式燕綏之。翩翩

者。黜。烝然來思。君子有酒。嘉賓式燕又思。

言黜則來思。賓亦式燕。如飛鳥之依人也。

崇丘

萬物得極其高大也。

南山有臺

南山有臺。北山有萊。樂只君子。邦家之基。樂只君子。萬壽無期。南山有桑。北山有楊。樂只君子。邦家之光。樂只君子。萬壽無疆。南山有杞。北山有李。樂只君子。民之父母。樂只君子。德音不已。南山有栲。北山有杻。樂只君子。遐不作壽。樂只君子。德音是茂。南山有枸。北山有楸。樂只君子。遐不作耆。樂只君子。保艾爾後。

一章中兩用樂只君子。亦是別調。看大學引樂只君子。民之父母。其解釋何等親切。

世以天子生日爲萬壽節。往年在某省督軍筵上。見萬壽無疆字。頗爲不安。

由儀

萬物之生。各得其宜也。

蓼蕭

蓼彼蕭斯。零露漙兮。既見君子。我心寫兮。燕笑語兮。是以有譽處兮。蓼彼蕭斯。零露瀼瀼。既見君子。爲龍爲光。其德不爽。壽考不忘。蓼彼蕭斯。零露泥泥。既見君子。孔燕豈弟。宜兄宜弟。令德壽豈。蓼彼蕭斯。零露濃濃。既見

君子。儻革冲冲。和鸞離離。萬福攸同。

氣象雍容華貴。

湛露

湛湛露斯。匪陽不晞。厭厭夜飲。不醉無歸。湛湛露斯。在彼豐草。厭厭夜飲。在宗載考。湛湛露斯。在彼杞棘。顯允君子。莫不令德。其桐其椅。其實離離。豈弟君子。莫不令儀。

在君則曰不醉無歸。而臣則令德令儀。此亦各盡其道之意。

序言鹿鳴廢。則和樂缺矣。四牡廢。則君臣缺矣。皇皇者華廢。則忠信缺矣。常棣廢。則兄弟缺矣。伐木廢。則朋友缺矣。天保廢。則福祿缺矣。采芣廢。則征伐缺矣。出車廢。則功力缺矣。杕杜廢。則師衆缺矣。魚麗廢。則法

度缺矣。南陔廢。則孝友缺矣。白華廢。則廉恥缺矣。華黍廢。則蓄積缺矣。由庚廢。則陰陽失其道理矣。南有嘉魚廢。則賢者不安。下不得其所矣。崇丘廢。則萬物不遂矣。南山有臺廢。則爲國之基墜矣。由儀廢。則萬物失其道理矣。蓼蕭廢。則恩澤乖矣。湛露廢。則萬國離矣。彤弓廢。則諸夏衰矣。菁菁者莪廢。則無禮儀矣。小雅盡廢。則四夷交侵。中國微矣。此一片大議論。見得詩之所關。極天蟠地。治亂興衰之所係。後世祇誦讀而不能見諸實行。成周之治。所以不可復也。若并誦讀而無之。不惟置諸高閣。浸浸乎有焚書之勢。一羣惡獸。倡此謬說。自謂文明。譏人迂腐。眞世間大罪人。

彤弓之什

小雅三